

2 Timoti

Nda an Mbulus a Timoti

¹ Kyagha deleewar dāba ya a har Mbulus, tathlenda Yeeso Kārēsti, wurna Faara a tsauka tathlenda Kārēsti Yeeso. Thlōnna nda nggi a dī pēr 'ya ndanən a fīngya aten yibrha ahu fērēkēkafek hu Yeeso Kārēsti.

² A Timoti ka waana. Ngwa furowa Faara na China tē Kārēsti Yeeso na Chinēm nggayirha, a haḍowun fa, tē dādemnggirha.

Fār kaali tsawud kēkafek

³ Usadi Faara niya anang taara, kēla anana chichiyina tē hura tsahai, nda fēdīkrha tē yanfaara ni naarha ḍal sa in ahu hwan Faara niya anaarha.

⁴ Daldi teena hai tē aam yidwa a sayiddi ndək nēm hai, na minna sē a na sa ni tēni lēghōtta tē wutsafayirha.

⁵ Daldi teena hai tē fērēkēkafekkid wa tē hura tal, kēla anana kaghad wa Loyis tē muwa Yunis, sēndisē nananya tur fērēkēkafekkid ndan ndāna a dārha mbeedē tē kanglanggirha ahurwa.

⁶ Nanən kee niya ḍalokən in a hēnangga wad anfāra tē pēḍānda fārona Faara a sayiddi dēfoni haara teena.

⁷ Kēsēr Faara fārangwa sēsən hāreenga kēm wa, amma yi sēsēmnda tē nggēmnda tē kēs alteena.

⁸ Nanən kee a shidōdē a pērang labar Chinēm na fīngya wa. A shidōdi wa, ko nanən niyi ahu porsēna ka Kārēsti wa. Tē sēsēmnda fārona Faara,

nggo fa a s̄saana t̄ nggi ka a p̄r Labara na Mb̄ngḡn, mb̄arsana t̄ s̄s̄mnda Faara

⁹ Faara nd̄n h̄rghangga k̄m, nd̄gh̄nni wurgha k̄m a n̄gha tsawud n̄m chahal. Əna n̄n ənd̄iya, mb̄ ka taara əna n̄m wa, amma k̄s̄r ənda ni na midgh̄n k̄t̄m kapa na nda əna k̄sh̄irha, ka a kyad ngḡm nd̄gh̄n n̄n t̄ nggayidgh̄n a k̄m ahu Yeeso K̄r̄sti.

¹⁰ Nan̄nya kyadang nda nd̄n k̄m a p̄pal ahu b̄d K̄r̄sti Yeeso t̄ h̄rkr̄n̄m, ahu k̄sh̄irha b̄a, kalgha s̄s̄mnda m̄rra t̄ k̄m kyadang d̄ kwamana k̄m yi yibrha pakwand̄ ahu Labardi na Mb̄ngḡn.

¹¹ Wur Faara nggi a tsawi t̄ p̄r labar Faara, t̄thl̄nda, t̄ k̄m t̄mal̄mnda yi Labardi na Mb̄ngḡn ya.

¹² Nd̄gh̄n d̄a ən̄gha nd̄n niya s̄saarha ahu p̄rs̄nd̄i ya. Amma sh̄id̄ewa wa, k̄s̄r s̄nd̄i niif̄di f̄rni k̄k̄afek a nd̄gh̄n t̄ k̄m s̄nd̄i s̄ə n̄n a laf ənd̄i f̄ree n̄n ta fard̄a d̄ə n̄n a wutta b̄a.

¹³ K̄su kwaman tsahadd̄a ha kyana tsahoni ha. Dalu teena hai a nana t̄ f̄rk̄k̄afek fa t̄ ngḡmnda nana t̄gh̄n ahu Yeeso K̄r̄sti.

¹⁴ T̄ thlarra S̄s̄na t̄ Ped̄nda na ahur n̄m, no naarha laf k̄k̄afekkid Labardi na Mb̄ngḡn tsahoni ha t̄ samm̄yirha.

¹⁵ K̄la s̄nna s̄ə, fatakk̄waya heu b̄gha b̄a a chehweed Asiya kenda k̄s̄ra, ko nda Paidjelus t̄ Hamodjenis ni ma winda.

¹⁶ A kyadangga Faara nggayirha Onesiporus heu t̄ wurigh̄n k̄s̄r n̄n naarha b̄arha thl̄manna b̄a f̄ree kaali. Sh̄id̄angwa ka nani ahu p̄rs̄na wa.

¹⁷ Banən a Roma ba, kətəlgha ka kada nggi nən waleeghən.

¹⁸ Ngwa kyadangga Faara nggayirha Onesiporus a fara wudna Kərəsti ba. Sənna sə tafad wa deeda sə kaan ahu sayiddi nani a Afisa.

2

Ka Sodja Yeeso Kərəsti

¹ Sa waana Timoti, no kanglang ahu nggayirha fərona Faara ahu Yeeso Kərəsti.

² Səkna fanna tsahangdi əngya fiya ha hangga thləgha ndən fa. Tsahang kəkafekkini ka fiya ha kanda kəm tsahang nggənda fingya ha.

³ Kərsu tə səsaarha tə nggi kəla ka sodja Yeeso Kərəsti.

⁴ Kəla sodja Kərəsti, a kyang na fadwa hu əngya kəshiirha hai wa, kəsər a ənanna kee mba əna 'ya na a mbəנגgən mamnduwa wa.

⁵ A naa niifa a pəpəla daarha, a takkwawa ngyakhrha wa mbə wal kənaghən wa.

⁶ Tə hudaarha ənagha targhən ngga ndəghənni a 'wa tək mbənda ənnad hedghən mii.

⁷ Numo aten 'ya niya thləworha. Chinəm Faara ndəna a fəro sənda ənggini heu ya.

⁸ A mbədodə tə ndaarha Yeeso Kərəsti niifa ni nggət nanda ahu turya Ndauda hai thliigha sə ahu mərri wa. Labar dani na Mbəנגgən niya pəra ya.

⁹ Kəsər ka Labardi na Mbəנגgən niya pəra ya, niyi a səsaarha kəneegha nda tə wuyiwurra kəla tə dimirha. Amma mbə niifa sə na mbang kənanng labar Faara wa.

¹⁰ Tsaunən kee kərəsdi tə əngya heu, kəsər ka fingya wurna Faara, təna nda fərkəkafek a Kərəsti

Yeeso hærgha nda, wal mamnggirha nda mbuwa ngwalaarha.

¹¹ Labara ni na kækafek ya: A mær dæm tæ Kæræsti næm a tsaurha tæghæn.

¹² A kæræs dæm næm a tsau kutæryirha tæghæn. A ngaal dæm ndæn, næn a ngaal kæm.

¹³ A mbæ kækafek sæ a fad næm wa, ndæghænggi na kækafek sæ a fadghæn, kæsær mbæ kar altænggæn wa.

¹⁴ No a dælang ænggini fiya teena ya, ndang kanda ahu thlæm Faara a malængganda yanda tæ ndan. Ngaala kæla yandïya mbæ ka 'yani wa, kæl næn sæbang fingya dæ na a ka thlæmaarha hai.

¹⁵ Əno taara ngga a fara kyadang na fadwa Faara næn a mbænang nda, tsawu tæ taara mbuwana targhæn shidang nda, tæ kæm tsawu tæ taara na tsaha ka labar da ha mæmæl.

¹⁶ A kyang na fadwa ahu palth nuryirha tæ kæm mbuwa ngga wa, kæsær fingya na a thlæk tur palth nuryiddïya na nda tsaurha inggun ma Faara.

¹⁷ Labaryindan næn weela dæ kæla wundærha na hælthwud mbuwa kænda. Himeniyus tæ Pilitus na nda kee.

¹⁸ Malang nda labar kækafekkirha, na nda a pær nggabaarha, ndanda thlid mærya sæ 'wadæ teena tsæda hai; ka tur labaryini ya 'yadang færkækafek fingya fa.

¹⁹ Amma kækafekkid Faara tsaudæ kæla dæf sar tænda na tæ feera nanæn chichireethlee hai tæ ndaarha, "Sæn Chinæm nafiya na yighæn,"* tæ kæm, "Fingya na a ndaarha kanda yi Chinæm ni tætani a malang ngganda tar mbælfeerha."

* **2:19 2:19** Deleewar Thlætta 16:5

²⁰ Ahu minda na manggən fngya bəya tə dngya ənagha ndan tə təfasa fngya kəm tə wurirha. Fngya ənagha nda kanda tə dərha tə kəm tabrha. Dngya əna nanda tə təfasa tə wurirha ka tar teera, dngya əna nanda tə dərha tə yi tabrha ka tar hur minda.

²¹ A tsauna kula ən 'yaara, na tsaurna kəla dng tar Faara. Na naarha chahal, nggungwa fa ka turi wa a əna taara nən tə sa ngga.

²² Kyang fadwa sə ma 'ya na dīmi na mid wundəlaya. Takku əngya kamngga məməl a ənana. Kadu fərkəkafek tə nggəmnda tə tsawud dədəmnggirha, tə kəm əno wutsəfayirha tə fngya na a tərang shilee Chinəm teena tə hura chahal.

²³ Niya nggər ndaarha no inggun ma labar nuryirha, tə ngaala kaka na bəng yanda bə wa.

²⁴ Niifa na a ənang taara Chinəm mbə yanda wa, a meyedghən tsaudə tətə a nagha əna nggayirha a fiya heu. Tsaudə kəm tətə a tsahanggən fiya ha məməl aten kəkafekkid labar Faara, a kərəsgha tə fngya na tendan kakrak.

²⁵ A nagha tsahadghən ha tə sammayirha a fngya kargha kəkafek fa. Asəmha na Faara a kyaarha hurndan hai malang ngganda dīmiyid ndan sən kəkafek nda,

²⁶ təna hutən ndan wutta bə hərgħa nda ma takthler sheetan. Kəsang takthler Sheetan kanda təna nda əna 'ya na midghən.

3

A mii ngwala kəshiirha

¹ A sēnasə, Timoti, a mii ngwala kəshiiirha na səsaaarha a naarha sə kaan.

² Kəsər na fiya a nggəm alten ndan kee tə nggəm wudəbəla. Na nda naarha taala tə tərang nda tendan sə, na nda 'yar farha ka ka, tə sar fa nggətyindan, tə yamid usaarha, tə kəm mba nda tərəm Faara wa.

³ Mba nda nggəm ndan wa, mbə chakh dīmiyirha sə wa, na nda nggabang nda fiya fa ka ka, mba nda mbang kəsang alten ndan wa, na nda əna tar mbəlfēerha, na nda tsan 'ya na ngga.

⁴ Na nda heng nda pashiyi ndan a fa saryi ndan, kala 'ya na nda ənaarha mba nda numang wa, na nda lələgdə tə tər alteena, tə nggəmnda mbənafa ma Faara.

⁵ A kəshi na nda kyad ndaarha na nda a takkwa Faara, amma kar nda səsəmnda Faara fa na a kyad ndaarha fatakkwaya ni. Ndusu də ma tur nafiniya.

⁶ Tur nafinani ya na yakh dərha a minda ki fiyadə na nda a ləm nishya fa mbuwa ndədəl kəsang na dīmiyirha kanda hai, tə kəm numad ən mbəlfēeya a əna taara tə kanda.

⁷ Tur nishyini ya yakh nda takkwa weerənda tsaharha ha, amma mba nda sənanng kəkafekkirha hai wa.

⁸ Kəla kətəm sarang nanda Djenes tə Djambres* Musa də, na famaləmmnggini kee ya, sar nda palth kəkafek kəl numad ən mbəlfēerha, fərkəkafekkid nafiniya nəghən ka kee.

⁹ Amma mba nda mbang dərha də inggun tə tar nuryid ndan wa. Na fara sə bana kowunni sənanng

* **3:8 3:8** Nafiniya fa kulaya ni sargha Musa a mbed Fir'auna (Kyarhaba 7:11-22)

hai, k̄əla 'wanən katərarha hai t̄ə nda Djanēs t̄ə Djambres.

'Ya ndana Mbulus a Timoti a ənagha

¹⁰ Amma sa Timoti s̄ənnā 'ya tsahang ni fiya ha, t̄ə tsawud na, t̄ə 'ya na minna a ənee. S̄ənnā f̄ərk̄əkafekkid na t̄ə s̄əsadna. S̄ənnā nggəməndəna t̄ə k̄ərəssəna.

¹¹ S̄ənnā kaara t̄ə s̄əsaarha saani fa. Heu s̄ənnā tur s̄əsaddi saani fa a Antakiya t̄ə Ikoniya t̄ə Listəra, amma h̄əryed Chinəm ahurghən.

¹² K̄əkafek, kala niifa na midghən s̄ə a əna 'ya nən na a mbənanggən Faara t̄ə k̄əm f̄ərd̄ə k̄əkafek a Yeeso K̄ərəsti, nən a taarang s̄əsaarha fa a har fiya.

¹³ Amma fa mbəlfēeya t̄ə fa nggabaya na nda naarha chik s̄əbrha d̄ə. Na nda naarha nggaba fiya, kanda ma na fiya naarha nggaba kanda.

¹⁴ Amma sa, d̄uwa mbeed̄ə t̄ə f̄ərk̄əkafek aten ənggini tsaho nanda ha. S̄ənnā s̄ə nəghən k̄əkafek t̄ə k̄əm s̄ənnā nafini tsahowa ha.

¹⁵ Tsahonda Labar Faara ha t̄ə Pedənda ka sa ngguchit, t̄ə k̄əm f̄əron nda s̄ənda yi wal h̄ərək̄rha ahu f̄ərk̄əkafek a Yeeso K̄ərəsti.

¹⁶ Labar Faara heu kyaghən b̄a a mii Faara, t̄ə k̄əm nəghən ngga a əna taara nəm s̄ə ahu tsahang k̄əkafekkid labar Faara fiya ha, a yanang nggəm fiya aten 'ya əna nanda mbuwa ngga. Labar Faara nəghən ngga ahu tangsang nda fiya a mbərha kyalth nanda sa hai t̄ə k̄əm tsahanggən fiya ha a əna 'ya nda kamngga.

¹⁷ Kwaman Faara niya na a ngwanggən nafighən fa a əna tarya nda heu na ngga na midghən a əna nda.

4

¹ A mbed Faara tɔ Kɛrɛsti Yeeso, tɔ ngwang kumarha a nafiya balgha tɔ yibrha fa tɔ mɛrya, a wudda ba ka bagha ɛna kutɛryirha, niya ndorha:

² Puru labar Faara. Nggo fa a pɛr labar da na ahu sayiddi na mid fiya sɛ tɔ sayiddi mbuwa na mid ndan sɛ. Kɛrsu lumu fiya fa, yanang kanda, fɛrang kaali nafiwa tɔ tsaharha ha ngga.

³ Kɛsɛr na fara bayi bawa na fiya nggɛr kang thlɛmaarha tsahad kɛkafek fa. Na nda a takkwa nggɛmnda hur ndan tɔ kɛm na nda kafa famalɛmngya a pɛrang 'ya nda kanda na mindan sɛkrha.

⁴ Mbɛ mid fiya sɛ a kang thlɛmaarha kɛkafekkid labar Faara fa wa. A meyedghɛn na nda kang thlɛmaarha asɛdaya fa mbuwa kɛkafek.

⁵ Amma kɛsu altenwa ngga, kɛrsu tɔ sɛsaarha, puru labar Faara, ɛno taara heu fɛrona Faara.

⁶ Niya pɛro palthɛi ya, kɛsɛr bad sayidda ba na nda fɛr yibɛdna ka sataka a Faara. Nduwus bɛn mɛrrɛna ba.

⁷ Yandi ngga, ngwalangɛi tardɛi ndeena Yeeso Kɛrɛsti a ɛnee, tɔ kɛm kɛs di fɛrkɛkafekkid na ha.

⁸ Nanɛnya kɛna tarnɛ a kɛla nggi fa, kɛna ɛna 'ya na mid Faara, bana Chinɛm, tɔ ngwa kumad kɛkafek fɛreerha a fardɛi. Kɛna di ya mbɛ a nggi katenna wa, amma a fingya heu na a kɛla badghɛn fa ba.

Nggɛl mii labar Mbulus

⁹ Ndeng yidwa ba wal nggi wet.

10 Mal Ndemas nggi dædæ Tasalonika dæ kæsær nggæmdæ æn kæshiirha. Kæresen dædæ Nggalatiya dæ, tæ kæm Titus dædæ Ndalmatiya dæ.

11 Kæl Luka kee ndæna a thlæmadna. A nanna a bærha bæ tahang Markus ha bæ, kæsær bænan deesæ ahu tarna.

12 Thlændi Tikikus a Afisa dæ.

13 A nanna a bærha bæ tahee luwud mbinna ha bæ malni a har Karbus a Toruwas. Tæ kæm tahang deleewar yina ha bæ, mbæ kæla fingsayini na chireelth yighæn ahu pama wa.

14 Aledzanda tæbæla hukdæ nggi kaan. Chinæm bænan ngwang kumarha sæ aten 'ya ænanæn.

15 Kwaru wun, kæsær tsandæ tsahannæm ha aten Kæræsti.

16 A fardî 'wa nanda bærha tæ nggi a thlæma tæ ngwa kumarha bæ, mbæ niifa sæ a samadna wa. Kowunni maldæ nggi. Niya hwan Faara a kirasang dæ tur ændi mbærna nda fa ya aten ndan wa.

17 Amma Chinæm Yeeso ishdæ tæ nggi færee kanglanggirha næn, a pær Labara ni na Mbænggæn ngga tæna fingsya mbuwa Yahudaya heu sækkæn. Hæryegha Kæræsti a mii læfariya.

18 Na Chinæm a hæryerha ahu tar mbælfæerha heu, næn a tæreerha dæ tæ sammayirha ahu Kutæryidghæn dæ a talara. Mamnggirha heu yi Faara ni pak-wandæ. Atsaukake.

Ngwala mii nda æn Mbulus

19 Ndang'ya Mbæriskila fa, tæ Akila tæ minda Onesiforus.

20 Na Arastus a Koronti, malyi Tærufemus fadghæn bæe a Miletus.

²¹ Bofa wet kapa ndəri mbiirha tsərha hai. Nda Yubulus, tə Fudens, tə Lainus, tə Kaludiya heu tə fatakkwaya Yeeso kanda a ndo 'ya fa.

²² A tsauka Chinəm tə səsənwa ha, tə kəm nggayidghən a tsauka tə kun heu.

Hona Bible

The New Testament in the Hwana language of Nigeria: Hona Bible

copyright © 2023 The Seed Company in collaboration with Language
Developers and Bible Translators Association

Language: Hona (Hwana)

Contributor: Language Developers and Bible Translators

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-07-18

PDF generated using Haiola and XeLaTeX on 26 Jul 2025 from source files
dated 18 Jul 2025

d942b897-c376-5386-bfaf-e0ce21c59136